



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;  
necnon varia summorum Pontificum Decreta, contra Moralis corruptæ  
propositiones, & alia

**Genet, François**

**Parisiis, 1703**

Quæst. I. Quisnam est primus sacramenti Pœnitentiæ effectus?

**urn:nbn:de:hbz:466:1-40817**

*De Sacramento Pœnit. Cap. IV. 15*  
indiges ; Deinde : Ego te absolvo à peccatis  
tuis , in nomine Patris , & Filii , & Spiritus-  
sancti. *Si Pœnitens sit Laicus , omittitur ver-  
bum suspensionis : Passio Domini nostri Jesu-  
Christi , merita Beatæ Mariæ Virginis , &  
omnium Sanctorum , quidquid boni feceris &  
mali sustinueris , sint tibi in remissionem pec-  
catorum , augmentum gratiæ & præmium vitæ  
æternæ. Amen. In confessionibus autem fre-  
quentioribus & brevioribus omitti potest : Mi-  
serereatur , &c. Satis erit dicere : Dominus  
noster Jesus-Christus , &c. ut supra usque ad  
illud : Passio Domini , &c. Urgente verò ali-  
quâ gravi necessitate in periculo mortis , bre-  
viter dicere poterit : Ego te absolvo ab omni-  
bus censuris & peccatis , in nomine Patris , &c.*

C A P U T I V .

*De Effectibus & Partibus Sacramenti  
Pœnitentiæ.*

*Quæst. I. Q*UISNAM est primus Sa-  
cramenti Pœnitentiæ effectus?

*Resp.* Nihil utilius , nihil efficacius nos im-  
pellere potest ad amplectendum cum gaudio  
Pœnitentiæ , quàm ingentium consideratio  
honorum , quæ ex ea percepturi sumus , quo-  
rum primum est remissio omnium peccato-  
rum , quibus specialiter applicatur ; quod qui-  
dem eloquenter suo more explicat S. Joannes  
Chryostomus relatus in Canone his verbis :  
*Talis , mihi crede , talis est erga homines*  
*pietas Dei , nunquam spernit Pœnitentiæ ,*  
*si ei sincerè & simpliciter offeratur : etiam*  
*si ad summum quis perveniat malorum , &*  
*inde tamen velit reverti ad virtutis viam ,*

*Can. Talis  
De Pœnit.  
dist. 3.*

suscipit & libenter amplectitur: facit omnia  
quatenus ad priorem revocet statum.

Ezechielis,  
cap. 18.

Hoc etiam nobis ipse Deus significare voluit  
his Ezechielis Prophetæ verbis: *Si impius  
egerit Pœnitentiam ab omnibus peccatis suis  
quæ operatus est, & custodierit præcepta mea,  
& fecerit iudicium & justitiam, vitâ vivet,  
& non morietur: omnium iniquitatum ejus  
quas operatus est, non recordabor.* Et S. Joannes  
idipsum testatur Epistola I. cap. I. *Si con-  
fiteamur, inquit, peccata nostra, Fidelis est  
& justus, ut remittat nobis peccata nostra.*  
Et cap. 2. ait: *Sed & si quis peccaverit, ad-  
vocatam habemus apud Patrem, Jesum-  
Christum justum: & ipse est propitiatio pro  
peccatis nostris; non pro nostris autem tan-  
tùm, sed etiam pro totius mundi.*

Quæst. 2. Sacramentum Pœnitentiæ remit-  
tit-ne peccata, non solum quoad culpam, sed  
etiam quantum ad pœnam ipsis debitam?

Resp. Certum est, verum hujus Sacramenti  
effectum non minus esse remissionem totius  
pœnæ peccato debitæ, quàm totius culpæ: ut  
enim ait Divus Thomas: *In absolute ali-*  

S. Tho. in 4.  
dist. 18. q. 1. cui plus & minus de pœna dimittitur vi Cla-  
art. 3. q. 2. vium, secundum quod plus se ad gratiam dis-  
ad 4. ponit: & potest esse tanta dispositio, quod ex  
vi contritionis tota pœna tollitur.

Et sanè Concilium Tridentinum hoc unicum  
ponit discrimen inter fructus quos ex Sacra-  
mento Pœnitentiæ percipimus, & eos quos  
percipimus ex Baptismo his verbis: *Alius est*  

Conc. Trid.  
sess. 14. De  
Pœnit. cap.  
3.

*præterea Baptismi, alius Pœnitentiæ fructus;  
per Baptismum enim Christum induentes, no-  
va prorsus in illo efficimur creatura, plenam  
& integram peccatorum omnium remissionem  
consequentes; ad quam tamen novitatem &  
integritatem per Sacramentum Pœnitentiæ.*